

12. maj

Sumiginnaanerit pillugit nalunaaruteqartarnissanut kommunini ataatsimoorussamik oqarasuaammik aalajangersimasumik sianerfigineqarsinnaasamik pilersitsinissaq pillugu kommunut isumaqatigiinniaqqullugit Naalakkersuisut peqquneqarnissaannik Inatsisartut aalajangiiffisassaattut siunnersuut. Sianerfigisinnaasatigut nuna tamakkerlugu kalerriutigineqartut tigooqqarneqartassapput, kommuninullu pineqartunut erngertumik ingerlateqqittarnissaat qulakkeerneqassalluni.

Ulloq unnuarlu sianerfigisinnaasap ilusilernissanut Naalakkersuisut kommunit peqatigalugit aalajangiisinnaatitaassapput. Siunertarineqartoq, tassaasoq innuttaasut tamarmik pisariunngitsumik pisortanut sianersinnaalernissaat sumiginnaanernillu kalerriisinnaalernissaat taamaalilluni anguneqassaaq.

(Inatsisartunut ilaasortaq Naaja H. Nathanielsen, Attaviitsoq)

Naja H Nathanielsen Attaviitsoq saqqummiusnaanut Siumumiit qujavugut, imatullu oqaaseqarfigisavarput.

Siumut pingaartippaa isumaginninnermi allaffeqarfinni sullissineq nukittoq ingerlaannarlu qisuariaateqartartut pilersinneqarnissaat pisassasut. Eqaannerusumik suleriaatsit pilersinneqarsinnaaqqullugit.

Meeqqat atugarissaartut pilersissagutsigit akisussaaqatigiinneq tamatta kivittariaqarparput. Naja H Nathanielsenip oqariartuutaa qularinngilara ataatsimoorfigisinnaagipput. Meeqqat ukiuanni taaneqartumi meeqqanut illersuinissarput tamatta oqimaalutartariaqanngitsumilluunniit pisussaaffigalugu akisussaaffigaarput. Miserratigisinnaanngilarpummi nunatta iluani akuerineqarsinnaanngittunik atuqaqartunik naammattuuiuaratta, tamanna inooqataaffigalugu ilungersunartuuvoq. Peqatigiinnikkulli aqcutinik nutaanik ujaartuinikkut iliuuseqarfigisinnaavarput. Ilisimavarpummi aporfissamik eqqarsartoq akimmiffissaqartuaannartoq, periarfissanilli eqqarsartoq nassaassaqartuaannartoq.

Kommunet iluanni innuttaasunik sullissineq qanoq ullumikkut killiffeqarnera tamatta ilisimagipput naatsorsuutigaara. Nunatta isorartussusia kisiat utoqqatsissutigisinnaanngikkipput paasivarput. Inatsisimmi ataanni inuuvugut, taakkulu malillugit ingerlanissarput naatsorsuutigisariaqarparput. Meeqqagummi taakkuupput siunissagut, taamaattumik illersornissanut sakkortuumik pisussaaffeqarput. Naalakkersuisut tunngavilersuinerat isumaqataaffigaarput akisussaaffik innunut ataasiakkaanut tunngasut Kommunet iluanniimmat. Tamannaavorlu nukittorsagassaasoq, ukkatarissallugulu qulaajarneqarsinnaanissaa Siumumiit kaammattuutigissavarput.

Qujamasuutigarpullu ilinniartitaaneq ilanngullugu siunnersuuteqartup eqqaammagu. Ilinniartitaanikkut pitsanngorsaamissaq anguniakkani kalitaqarpoq. Ilinniarfinni pingaartunik innunut tunngasunut ilinniagaqartunut tamatuma immikkut isummorsorfigineqarnissaa pingaaruteqartorujussuuvoq. Tamakku siunissami ungasinnerusumi pitsanngorsaamissami eqqumaffigineqartussanut ilaannerat ilisimavarpup. Taamaattorli Siumut isumaqarpoq Kommunet innuttaasut pillugit qanimut suliniutinik tamanik arsaartorsinnaannginnaatsitsoq. Suleqatigiinnerlu aqcutigalugu suliasat kiviniarneqartassasut kaammattuutigerusuppagut. Naalakkersuisulli meeqqanut inuusuttunullu pilersaarutaat isumalluarfigaagut.

Ulluinnarni sullissinermi innuttaasunut qaninnerpaamik sullissisut tassaapput kommuunit, taamaattumik Siumumi isumaqarpugut kommuunit qitiutinneqassasut, Naalackersuisulli akissuteqaa-taanni takuneqarsinnaasutut ukiamut pitsaanagerusumik meeqqanut inuusuttunullu suleriaqqinnissaq tullinguuttoq pilersarusiorneqalereerpoq, taamaatumillu inatsisissamik aamma piffissalersuutinik saqqummiusinissamut Naalackersuisut pilersaartuteqarnerat naammagisimaarparput.

Siumumiit taamatut oqaaseqarluta aalajangiiffigisassatut siunnersuut ataatsimiititaliamut susassa-qartumut innersuupparput, qujavugullu siunnersuuteqartumut.

Laura Táunâjik
Siumut